

# Q V Æ S T I O M E D I C A

## QVODLIBETARIIS DISPUTATIONIBVS MANE DISCVTIENDA

### IN SCHOLIS MEDICORVM, DIE IOVIS XXI. IANVARII;

### M. NICOLAO LE LETIER, Doct. Moderatore, Præside.

1034

*An Imaginatio operetur ad extra?*

**S**i ratione corporis homo *μικροκομος* est; quo digniori si species animam eundem nobilitatis titulo? Hæc nostri pars melior vitæ Libitinam, sola morte non extra à corpore diuidua, non ingressa primum est istud vt diuersum, sed vt organum; ipsius viribus exercendis promptissimum; mira partium structura, exquisitaque temperie adornatum. Animæ rationalis essentiam multa testam caligine & cymmerijs prope tenebris inuolutam curiosus rimari animi est nimium fatagens; satis illa *ἀφανής* licet, suis se prodit facultatibus, facultates actionibus. Harum alias sibi vindicat vt proprias, & vernaculas, quæ minime cum materia communicant, alia partim ab ipsa pendente partim à corpore à quo instrumenta petuntur. Omnes tamen ab ipsius natura indistinctæ, vnde non mirum si tanopere sibi inuicem consentiant, vt quod inter corporis partes eiusdem substantiæ, muneris, aut proximitatis iure cognatas, euenit, *ἐκφυελλὰ πᾶσι*; Id inter se propter naturalem superiorum in inferiores imperium, & æquabilem omnium, naturalium vitalium, & animalium in eodem animæ sinu radicationem consequantur.

**F**acultatum omnium quarum imperio nostrum corpus regitur, prima ac præstantissima animalis, vt inter sensitiuas externas visus sic interiorum principatum tenet imaginatio licet à cæteris sede non diuersa, inter principes nobilior intellectus, etiam voluntate; Quo proinde solus homo prædictis cunctis animantibus præcellit; hic tamen quandiu corporis vinculis retinetur non nisi sensum vt internunciorum cā ope cognoscit, vt rerum omnium simulacra per sensus primum exteriores hausta, in principem incunamque comment qui phantasia nuncupatur, hæc principium est quod vniuersum animantium genus constituit, à quo & animantes omnes vel quæ in infimo sunt infectorum ordine sentientes appellatur, hæc ceu communes rerum absentium imagines contempletur, & de illis suum promat iudicium, ceu ex istis confusis & permixtis multa effingat quæ sub sensum non venerant quodammodo vim ratiocinatricem imitatur quam postea ad condendas ex phantasmatis suis spirituales rerum ideas suscitatur; quinimò & multis (absit tamen,) rationis vires in brutis gerere credita est. Hinc à Philosopho intelligentiæ largæ appellatione comprehenditur, Vt mirum non sit amplius quod tam mira de imaginatione prædicent, vt pote primæ mentis Ianuâ à qua cæteras deinceps sit necessum potentias extrinsecari.

**P**RIMA & luculentiora virtutis suæ specimina in proprio corpore designat; hinc præfixo per imaginationem surgendi tempore multi eodem expergiscuntur. Veneris attentæ somnianti præsertim meditatione semem dilabirur. Quinimò sola sanitatis aut imaginatione morbi alterutrum obtigisse compertum est. Mirabilior tamen licet minus efficax in alieno propinquo ceu fœtu conformando, vel potius conformatricem ipsius facultatem per specierum exemplaria dirigendo; earumque non omnium, sed quas tantum animi passiones maxime desiderium & terror fortiores & corroboratas conformatrici debiliore, & à sua naturali operatione distractæ ac interturbatæ penitus & intimius adiungant; vt ad earum ipsa similitudinem quidquid per materiæ dispositionem licuerit, toto gestationis tempore, sed magis initio, parti plerumque simul apprehensæ signaturas easdem tot diuersis modis inurat; vt certam tantæ varietatis proferre rationem difficillimum sit. Denique cum triplex parentum ad natos similitudo recensetur, prima in specie, quæ ab incremento; secunda in sexu, quæ à principiorum temperamento; tertia in effigie, quæ à feminum motu & inexistente conformatrice dependet; omnes vnius imaginationis imperio subiunguntur; vt si tam mira facultas ea quæ quidem animal ab initio finxit; qualis illa sit pateat satis, quæ priorem vt organum nutu suo dirigit & gubernat.

**N**E tamen dum tanto studio vires imaginationis inuestigas superstitiosè nimis cum totâ delirantium Arabum familiâ commenticia quædam insuper ac imaginaria eidem affingere videaris. Quidquid ipsa potis est, ac efficit; id non perse ac immediatè molitur cum merè passiva sit, & solius immanentis productiua cogitationis suæ, quæ continuò infœcunda; & in ipsa dumtaxat facultate residens, ac concepta, nihil extra limites ipsius, ceu in proprio, siue in alieno corpore procreare valebit. Neque pariter miro quo vitur ad functionem suam organo, speciebus rerum intentionalibus; quarum tota ratio vt obiectum ei repræsentet, & exhibeat, non vt ipsum efficiat addita est. Sola demum id præstat reliquarum tum animæ tum naturæ facultatum extimulatione, cum quibus cognitionem ac sympathiam sortita est, vt istis melius quam phantasiæ potentiis accepti debeant effectus referri: sic sola mediante conformatrice fœtum immutat, solâ mortice naturali sanguinem quoquoersum diffundit, vt & solâ animali & voluntaria res externas suo loco pellit ac dimouet, si tamen mobili mouens organum vniatur; contactus siquidem licet actionis causa non sit tanti nihilominus ad ipsam interest, vt sine auro isto patientium & agentium vinculo nulla actio tam vulgaris & manifesta quam sympathica, & occulta possit à naturâ perfici. Duplex autem ipsius species solius altera virtutis, altera molis iterum duplex, crassioris, & tenuioris ac subtilioris substantiæ, quæ plurima & abditissima reſerabis naturæ mysteria, quæ indocti mixtorum qualitatibus occultis, sæpe celorum influxibus impudenter adscribunt. In promptu erit causam reddere cur cucumis ex suo dependens caudice, & impendens oleo crescat in ventrem aquæ in longitudinem. Cur anicularum amplexibus pueri fascinentur, quod nemo in oculos aut imaginationem retulerit.

**Q**UANTVMVIS igitur perfecta sit intensa & sub benigni syderis aspectu nata, vnde sibi nullam potest falem agendi virtutem Imaginatio depromere, nunquam parietem, qui niger est album efficit, quantumvis sanitatem imagnetur, qui paralyti rigidus iacet, sensu motuque non proinde ex eo donabitur. Apagē vibratos spiritus, ac species rei cuiuslibet etiam in remotis corporibus effectrices, cum quibus imaginationi, vt & aliarum animæ facultatum nulli, focjeras, contactus, aut imperij ius intercedunt. Vana omnino futilis & ridicula Arabum sententia nullo stabilita fundamento. Ecquis enim sibi in animum induxerit, eā vi pollere imaginatiuam potentiam vt hominem fascinet, insidentem equo in puteum disiciat, grandines, pluuias excitet, tonitrua ciat: isthæc crede mihi deliramenta sunt puerorum equitantium in arundine longâ. Fictitium pariter existimamus quod de Empedocle narratur. Frustra enim causam eorum effectuum tam mirabilium & instrumenta, quæ nunquam reperiuntur es quæsiueris; Hæc si aliquando tibi occurrant herbam porrigemus.

*Ergo imaginatio non operatur ad extra.*

DOMINI DOCTORES DISPUTAVRI.

M. Alanus Lamy.  
M. Nicolaus le Letier Præs.  
M. Petrus le Mercier.

M. Claudius Guerin.  
M. Petrus Yudin Med. Reg.  
M. Mathurin Denys.



M. Philbertus Morisset.  
M. Carolus Guillemeau.  
M. Iacobus Jouin.

Proponebat Lutetiæ PHILIPPVS CHARTIER Parisinus, A. R. S. H. M. DC. LV.